


musica UNIUN



www.musica-uniun.ch

Statuts

Società da musica instrumentala

Uniun

Tschierv-Fuldera-Lü

Cuntgnü:

pagina

1. Nom, scopo e residenza

1.1	Nom	2
1.2	Scopo	2
1.3	Residenza	2
1.4	Neutralità	2

2. Commembers

2.1	Cumposiziun	2
2.2	Commembers activs	2
2.3	Commembers d'onur	2
2.4	Commembers veterans	3
2.5	Commembers passivs	3
2.6	Entrada commember activ	3
2.7	Sortida commember activ	3
2.8	Commembers chi fan don	3
2.9	Congedi	3
2.10	Onurificaziuns	3
2.11	Inventari persunal	4

3 Organs

3.1	Organs	4
-----	--------	---

4 Radunanza generala

4.1	Radunanza generala	4
4.2	Tractandas	4
4.3	Dret da decider	5
4.4	Elecziuns e votaziuns	5
4.5	Dret da vuschar	5

5. Radunanza extraordinara

5.1	Radunanza extraordinaria	5
-----	--------------------------	---

6 La suprastanza

6.1.	Suprastanza	5
6.2	Il president	5
6.3	l'actuar	5
6.4	Il chaschier	5
6.5	Il dirigent, vice-dirigent	6
6.6	Il chef da material	6
6.7	Il binderal, vice-binderal	6
6.8	Revisurs da quint	6

7 Disposiziuns finalas

7.1	Affars urgients	6
7.2	Dovair da sunar	6
7.3	Schoglimaint	6
7.4	Respunsabilità facultà	6
7.5	Revisiun statuts	7
7.6	Deponar la documainta	7
7.7	Chamonna Legnai	7

L'indicaziun masculina vaglia eir per l'indicaziun feminina

1. Nom, scopo e residenza

1.1 Nom

La Società da musica instrumentala Uniun Tschier-Fuldera-Lü, in seguit nomnà "Musica Uniun" es üna società chi's basa al CCS (Cudesch Civil Svizzer) art. 60 e suottastan als statüts da l'Uniun chantunala da musica Grischuna (UCMG)

1.2 Scopo

Suot il nom Musica Uniun s'ha constituida üna società privata d'amis ed amias da musica instrumentala our da las fracziuns dal Cumün da Val Müstair, Tschier, Fuldera e Lü.

La società s'ha fuormada l'on 1911 per cultivar la musica instrumentala cul scopo d'imbellir festas ed occasiuns publicas. Illa società dess regnar ün spiert social ed amicabel.

1.3 Residenza

Sez ed istanza da la società da musica instrumentala Uniun Tschier-Fuldera-Lü es la Val Müstair.

1.4 Neutralità

La società es neutrala a regard lingua, politica e religiun.

2. Commembers

2.1 Cumposiziun

La società exista our da commembers activs, commembers passivs, commembers d'onur e commembers veterans.

2.2 Commembers activs

Commember activ po gnir minchün chi ha plaschair vi da la musica instrumentala e chi'd es pront da sunar ün instrumaint. El s'obliescha da's suottametter als statuts e surpiglia la respunsabilità per tuot il material che'l survain da la Musica Uniun. Per gnir manà sco activ aint il pass da musica sto il commember esser activ illa società.

2.3 Commembers d'onur

Sco commember d'onur pon gnir nomnats da la radunanza generala, sün proposta da la suprastanza, commembers chi han prestà bler pella società in general.

2.4 Commembers veterans

Commembers veterans han ils drets e dovairs tenor ils statuts da l'Uniun chantunala da musica grischuna (UCMG)

25 ons	Veteran chantunal
35 ons	Veteran federal
50 ons	Veteran d'onur chantunal
60 ons	Veteran da l'Uniun internaziunala da musica (CISM)
70 ons	Veteran d'onur federal

2.5 Commemember passiv

Sco commemember passiv po gnir minchün, chi paja la taxa annuala. Tala vain fixada da la radunanza generala. El ha il dret d'entrada libra pro las producziuns da la Musica Uniun.

2.6 Entrada commemember activ

Sur da l'entrada da commembers activs novs decida la radunanza generala.

2.7 Sortida commemember activ

Sortidas da commembers activs ston gnir inoltradas in scrit al president il plü tard fin al di da la radunanza generala. Quel chi sorta da la società es in dovair da remetter infra 1 mais seis inventar in fich bun uorden e net al schef da material. Sortidas da supstants ston gnir inoltradas in scrit al president fin il plü tard 30 dis avant la radunanza generala.

2.8 Commembers chi fan don

Commembers chi fan don a la società o chi nu sun prunts da's tegner vi dals statuts pon, cun majoranza da duos terzs (2/3) da las vuschs da tuot ils commembers activs, gnir exclus da la società. Talas votaziuns ston esseguir per scrutin.

2.9 Congedi

Sur da congedi decida la supranza da cas a cas.

2.10 Onurificaziun

Commembers chi frequentan diligiaintamaing las prouvas e las producziuns vegnan onurats tras la supranza a la radunanza generala. Scha ün commemember nu manca daplü co 10% da las prouvas e producziuns, vain el onurà cun ün bon da fr. 40.- o culla ingravaziun il sortimaint da zin.

(exaimpel: 41-50 prouvas = 5 mancanzas; 51-60 prouvas = 6 mancanzas)

Al commemember activ chi vain invidà a la prova da register e piglia part a tala, vain scrit bun la prova. Dispensas po dar la supranza da cas a cas.

2.11 Inventar personal

Mincha musicant survain ün exemplar dals statuts, ün pass da musica, ün'unifuorma ed ün instrumaint ad impraist da la Musica Uniun. Minchün es sves responsabel per dons causats vi da seis inventar.

3. Organisaziun

3.1 Organs

Ils organs da la Musica Uniun sun:

- La radunanza generala
- La radunanza extraordinaria
- La suprastanza
- Ils revisurs da quint

4. Radunanza generala

4.1 Radunanza generala

Minch'on dūrant l'utuon vain salvada üna radunanza generala. Cun quista radunanza cumainza l'on da musica e mincha commember activ resta automaticamaing commember per l'on chi segua sch'el nun ha dat aint sia demischiun in scrit. Perquai es la suprastanza in dovair da laschar prevgnir la banida a mincha commember almain 14 dis avant il di da la radunanza generala. Obieczyuns invers la glista da tractandas han da gnir inoltradas fin almain 10 dis avant la radunanza generala in scrit a la suprastanza.

4.2 Tractandas

A la radunanza generala suottastan ils seguaints affars chi ston gnir tractandats sül invid pella radunanza generala:

- a) Salüd, glista da tractandas ed elecziun da dombravuschs
- b) Prelecziun ed approvaziun dal protocol
- c) Rapport dal president
- d) Rapport dal dirigent (vice dirigent)
- e) Rapport dal schef da material
- f) Tschernas ed elecziuns:
 - **ils ons përs:** il president/ chaschier /schef da material
2 revisurs da quint / binderal e vice-binderal
 - **ils ons dispêrs:** l'actuar (vice-president) / il dirigent e'l vice dirigent
- g) Rendaquint annual e rapport dals revisurs da quint
- h) Prelecziun da la glista da mancanzas ed onurificaziuns.
- i) Assumaziun ed exclusiun da commembers
- j) Nominaziun da commembers d'onur sün proposta da la suprastanza
- k) Program da lavur pel prossem on
- l) Eventuala revisiun dals statuts.
- m) Taxa annuala per commembers passivs
- n) Varia

4.3 Dret da decider

La radunanza generala po be decider sur dad affars chi sun stats preponderats da la supranza e chi figüran sülla glista da tractandas.

4.4 Elecziuns e votaziuns

Elecziuns e votaziuns vegnan fattas avertas, scha la radunanza nu decida oter.

4.5 Dret da vuschar

Mincha commember activ ha il dret da vuschar.

5. Radunanza extraordinaria

5.1 Radunanza extraordinaria

La supranza es competent da clomar aint üna radunanza extraordinaria.

6. La supranza

6.1 La supranza

La supranza da la società consista our da tschinch commembers:

- a) Il president
- b) L'actuar (vice - president)
- c) Il chaschier
- d) Il dirigent
- e) Il schef da material

Ella ha il dret da decider sur dad investiziuns a favur da la società fin pro l'import da fr. 2000.- pro cas. Ella ha il dovair dad infuormar als commembers.

6.2 Il president

Il president survaglia ed organisescha tuot ils affars ed incumbenzas da la supranza e da la società. El es responsabel per la corrispondenza e firma per quella. El bannischa e presidescha las sezzüdas e radunanzas. Il president porta davo ils müdamaints da commembers pro'l SBV.

6.3 L'actuar e vice-president

El maina il protocol da las radunanzas, la glista da mancanzas ed eir il regulativ da commembranza. El rimplazza il president schi fa dabsögn.

6.4 Il chaschier

El es responsabel per la chascha da la società. El tegna exactamaing register da las entradas e sortidas ed es in dovair da suottametter a la radunanza generala ün quint da gestiun chi'd es revis dals revisurs da quint. El maina la controlla da commembers passivs ed inchascha la contribuziun annuala.

6.5 Il dirigent e vice-dirigent

Il dirigent dirigia la musica ed es responsabel pel inventar da notas e per tuot las dumondas musicalas. El ha l'incumbenza d'exercitar e diriger la musica pro prouvas e producziuns. Il dirigent da giò rapport a la radunanza generala. Per sia prestaziun vegn el indemnisà cun ün import pauschal da fr. 3000.- l'on. Il vice-dirigent til sustegna e rimplazza tenor convegna.

6.6 Schef da material

El pissera per tuot il material, per tuot ils instrumaints e per la Chamonna Legnai e maina ün inventar da quel. El suottametta a la radunanza generala ün rapport dal inventar.

6.7 Il binderal e vice-binderal

Il binderal e vice-binderal vegnan elets da la radunanza generala. Pro producziuns sun els in dovair d'accumagnar la musica culla bindera. Els han ils listess drets sco ün commember activ.

6.8 Revisurs da quint

Ils revisurs da quint as cumpuonan our da duos personas. Els han da far la revisiun e la controlla da tuot la contabilità ed han adüna il dret dad ün'invista.

7. Disposiziuns finalas

7.1 Affars urgaints

Affars urgaints ed actuals da la società pon gnir decis sainza bannida in mincha prouva ordinaria da musica.

7.2 Dovair da sunar

La società da Musica Uniun s'ha miss per lezcha da sunar:

- Sün giavüsch per anniversaris da la populaziun dal Terzal Daint dad 80 ons, 85 ons, 90 ons, 95 ons e davent da 96 ons minch'on.
- Per nozzas da commembers activs
- Pro funerals da comembers activs, commembers veterans e commembers d'onur. A quels vegn portà la bindera e sunà.
- Pro occurenzas sün dumonda decidan ils commembers activs cun majoranza.

7.3 Schoglimaint

La società po gnir scholta scha almain 2/3 dals commembers activs dumondan quai. Pro ün schoglimaint da la società va la facultà in deposit pro l'administraziun cumünala dal Cumün da Val Müstair e resta a disposiziun per ün'eventuala fundaziun d'üna nouva società da musica cun istessas finamiras.

7.4 Responsabilità facultà

Per debits da la società sta bun be la facultà da la società. Ils singuls commembers activs nu pon gnir fats responsabels.

7.5 Revisiun statuts

Quists statuts pon gnir revis total o parzialmaing, scha la pluralità dals commembers activs preschaints pretenda quai. Üna revisiun sto gnir bannida per temp e sto avair l'approvaziun da 2/3 dals commembers preschaints.

7.6 Deponar la documainta

La documentaziun da la società da Musica Uniun vegn deponada aint il archiv dal Cumün da Val Müstair.

7.7 Chamonna Legnai

Per la fittanza da la Chamonna Legnai vain stipulà ün regulativ e contrat aposta. Mincha fittadin ha da suottascriber ed as tegner vi da quel. Il schef da material es la persuna da contact e respunsabel pel andamaint.

Quists statüts rimplazzan quels dals 24 november 1990 ed aintran in vigur tras la radunanza extraordinaria dals 16 marz 2024.

Il president:

Riet Caflisch

L'actuara:

Sonja Gross